

# მშობლივი

№ 21


1917

შინაარსი. დეკლარაცია — ეშმაკი პატარა ფელეტონი (წერტილები) — მორიელი ჩემი ოჯახი — კოლო მოკითხვა — აღბურიონი. კიდევ კანეთი — ეშმაკი ნაწყვეტები — ი. ტოფაძე. სინდისი — თარ. პუდბიგენტასი. მარსელიოზა — რო-

კოკო. ფოსტა — კო.

კარიკატურები. თავისუფლების გზაზე — ოსკ შლინგი. ბოსფორის პირად — შ. ქიქოძე. მეფე — შ. ქიქოძე. ბიუროკრატიულ წრეებში — ოს. შლინგი...

## თავისუფლების გზაზე



რა დაბრკოლებანი უნდა სძლიოს რუსეთის რევოლიუციამ, რომ სამუშაოდობო-ში გავიდეს.

# დემკლარაცია ეშმაკისა

ჟ. თფილისი. მაისის 21.

ა მ ს ა ნ ა გ ე ბ ო!

მ ო ქ ა ლ ა ქ ე ნ ო!

ა ვ ო ს უ ლ ე ბ ო!

ჩემს ჰარტიაში საეშმაკოთ შემოსულებო!

წუთით არა სთვლემს «დროებითი» ჩვენი მთავრობა,  
ვის ჯოჯოხეთიდან დანაკისრა წესთა მეარობა.

უკვე დაწესდა ყველა დარგის კ ო მ ი ს ა რ ე ბ ი,  
(მასში შედიან მოლექსენი და მხატვარები!)

დაარსდა «საბჭო რჩეულ მგოსანთ დეპუტატების»  
(ლექსენი ჩვენს ჟურნალს აწ უსომოთ შეემატების!)

დაარსდა «საბჭო დეპუტატთა ეშმაკ მხატვრობის»

(კარიკატურა აწ ჩვენ აღარ მოგვენატრების!)

დაარსდა «საბჭო დეპუტატთა ჰროხის მწერალთა»

(ჩვენთან სურთ მათაც დაიბეგრეონ უხვების კალთა!)

ვხსნით «ბ ი უ რ ო ე ბ ს»

და ვაარსებთ

«შ რ ო მ ი ს კ ა ვ შ ი რ ე ბ ს»

(საერთო ძალით რამ ვუწამლოთ თქვენს გასაჭირებს!)

სარაიონო და საუბნო «კ ო მ ი ტ ე ტ ე ბ ი»

გვაქვს საჭიროზე ასჯერ უფრო წანამეტები.

უმთავრეს საგანს

ჩვენის თქვენზე მხრუნველობისა,

შეადგენს: კ ა ნ ს ჯ ა

ბატონ მ ა რ ს ი ს სულელობისა.

განსრახული გვაქვს მოვიწვიოთ

«კ ო ნ ფ ე რ ე ნ ც ი ა»

(დამოუკმნებელი კრების ექმნეს კომპეტენცია!)

მას ევალება ჰირველ ეოფლის

«ო მ ი და ზ ა ვ ი»

(ერთობ ძძიძვა, მეგობრებო, ეკ საკითხავი!)  
 ჩვენ ანგელოზებს სანატრიოს ვუდგენთ ზირობებს  
 და თუ ვარყოფენ, ჩვენი ჯარი კვალად იომებს,  
 მაგრამ ჩვენ ვებრძვით, ვისაც შესწევს ბრძოლის უნარი,  
 და არა იმათ, ვინც ბრძოლაში მონადუნარი  
 ბედმა გასწირა და დაეცა ბრძოლის ველზედა,  
 ან შეპერობილი სძევს რწეილეთში სარეცელზედა,  
 ჩვენს, ჯოჯოხეთის ძლევა-მოსილ მებრძოლ ჰარტიას  
 ვგრძნობ შესწამებს უძრავობას და ანატიას.  
 აბა ვინ იტყვის: მსდალიაო სხა ეშმაკისა?

შემირცხვეს ბაგე (თუ არსებობს) მთქმელი მაგისა!)

მაგრამ ჩვენ არ გვსურს

ა ნ ე ქ ს ი ა,

კ ო ნ ტ რ ი ბ უ ც ი ა

(კმაყოფილი ვართ ბედსა ჩვენთვის რაც მოუცია!)  
 თქვენი მათრახი, მეგობრებო, რაც უნდა მოხდეს,  
 ჰირქვე დაცემულ მტერთა ჩვენთა არ უნდა მოხვდეს.  
 განა დაცემულს სავალალოდ ის არ ეყოფა,  
 რომ შერცხვენილი თავი არსად გამოეყოფა?

ე რ ო ვ ნ უ ლ კითხვის

ეურადღებას და სიმპატიას

სახელმძღვანელოთ დავაკისრებთ ჩვენსა ჰარტიას.

«თ ვ ი თ გ ა მ ო რ კ ვ ე ვ ი ს»

ნებას ვაძლევთ ჩვენ ეროვნებას

(ისე მოეწონ, როგორც სურდეს მათ გემოვნებას!)

ა ვ ტ ო ნ ო მ ი ა კსურთ საერთო,

თუ კ ა ნ ტ ო ნ ე ბ ი,

მოდით, მიირთვით, დღეს მეფე სარტ და ბატონები.

«კ ო ა ლ ი ც ი უ რ ს ა მ ი ნ ი ს ტ რ ო ს»

არა ვყოფთ ვარსა,

თუ ანგელოზნი ინებებენ, მოგვცემენ მხარსა.

(რა ვუფოთ მერე ჩვენი ქვეყნის ბურჟუაზია

თუ აჯანყების საქმეებში ცოტა ნაწია?)

მთავარ ბორკილათ წესთა ახალთ დაარსებისა,

ჩვენ მიგვაჩნია მძიმე კითხვა  
ფ ი ნ ა ნ ს ე ბ ი ს ა.

და, აი ამა მოსასწრებით, იმედით, რწმენით  
«საჯოჯოხეთო ს ა მ ი ნ ა ო  
ს ე ს ს ი გ ა ვ ს ნ ე ი თ».

ყოველი წევრი თავისუფალ ჯოჯოხეთისა  
თვით უნდა იყოს გამჭედელი თვისის ბედისა.  
ვალდებულია ჩვენი სესხის ო ბ ლ ი გ ა ც ი ა  
მან შეიძინოს და მით იხსნას მთელი ნაცია.

განსაკუთრებულს მისწრაფებას  
და სიუვარულსა  
ჩვენ მივაკუთნებთ რ წ მ ე ნ ი ს ს ა კ ი თ ს ს  
და ა გ რ ა რ უ ლ ს ა.

სწავათა მამულებს დაუფლეთ თავით, ფეხებით,  
(მხოლოდ ამას გთხოვთ: ჩემს ქონებას ნუ შეეხებით!)

ეშმაკი.

## პ ა ტ ა რ ა ფ ე ლ ე ტ ო ნ ი

### შ პ რ ტ ი ლ ე ბ ი.

მკითხველს უკვე მოეხსენება, რომ ქ. პეტრო-  
გრადში დაარსდა ორი საზოგადოება:

- ა) შავი წერტილი და
- ბ) წითელი წერტილი.

ერთი შეხედვით წერტილი ყოვლად უვნებელი  
გრამატიკული დაწესებულებაა, რომელიც საქმეს  
უჭირვებს საბრალო მესამე კლასის მოსწავლეს და  
ისიც მხოლოდ „დიქტანტის“ წერის დროს. სხვა,  
გარეშე ამისა, არავითარ ზიანს ადამიანი წერტილი-  
დან თითქმის არ უნდა ნოელოდეს. მეტსაც ვიტ-  
ყვი! გეომეტრიული წერტილი თავისთავად არც კი  
არსებობს, იმისი მხოლოდ წარმოდგენა შეგვიძლია.

მიუხედავად ამისა რევოლიუციის დაწყებისათა-  
ნავე ქ. პეტროგრადში დაარსდა „შავი წერტილის“  
ორგანიზაცია. მაგრამ დღეს ყოველივე „შავის“ სა-  
წინააღმდეგოთ არსდება „წითელი“, ამიტომ „შავ  
წერტილს“ მყისვე გვერდით ამოეტეუზა „წითელი  
წერტილი“.

დღევანდელი ჩემი წერილის მიზანია, გავარკ-  
ვიო პატივცემულ მკითხველთა წინაშე პროგრამა  
მინიმუმი აღნიშნულ „წერტილ-პარტიებისა“.

ყველა პარტიას მხოლოდ მისი თეორიული  
პროგრამითა და პრაქტიკიული ტაქტიკით გაიცნობ  
კაცი, მაგრამ ამ მხრით ორივე ზემოაღნიშნული  
ორგანიზაცია, ჩვენდა საბედნიეროთ, მოიკოჭლებს.  
მათ ჯერ-ჯერობით არ გააჩნიათ დამუშავებული  
პროგრამები და არსებითად არც არაფერი ცხოვრე-  
ბაში გაუყვებიან. ჩვენ ხელთა გვაქვს მხოლოდ  
მათი დეკლარაციები და აი ამ დეკლარაციათა მიხედ-  
ვით ცოტათ თუ ბევრათ შეგვიძლია ავლო ავართ-  
ვათ მათ ავკარგიანობას.

#### დეკლარაცია „შავი წერტილისა“

ნებითა ღვთისათა და კურთხევითა რეაქციისა-  
თა იმ მკვიდრსა და შეურყვეველ საფუძველზე, რო-  
მელსა ეწოდების „ქეშმარიტ რუსთა კავშირი“,  
დაარსდა უძლეველი ორგანიზაცია „შავი წერტი-  
ლისა“. კავშირსა მას მფარველობს უკვდავი სული  
ოასპუტინისა, სტოლიპინისა და წმიდათა მინისტრთა  
ჩვენთა პეტრე პავლოვლთა. ძალა ჩვენი განუზომელ  
არს და რიცხვი უმრავლეს ვარსკვლავთა ცისათა.



სიმხნევე და სიმამაცე „შავ წერტილელთა“ სდგას უმაღლეს კაცობრიობის ნახულთა ყოველთა და უანგარობა მათი უმაღლეს თავგანწირულთა მინისტრთა ნიკოლოზ მეორისათა.

მიზანი არსებობისა ჩვენისა არს მარტივი და მასთან დიადი, ვითარცა საშუალება მის განხორციელებისა. უშიშარ რაინდთ „შავი წერტილისა“ გვალებათ განწმენდა რუსეთისა მანვე წვერთაგან და აღდგენა იმისი, რაც ანაზღეულად დაემხო თებერვლის ბოლო რიცხვებში. პირველ ყოვლისა „შავი წერტილი“ მიზანში იღებს რევოლიუციის ხელმძღვანელთ და მოკრძალებით აცნობებს მათ, რომ ამქვეყნიური არსებობა მათი წინასწარ განსაზღვრულია და თითველ ბელადს რევოლიუციისას აქვს ნება ცხოვრებისა იმ დრომდე, რომელიც ნაჩვენებია „შავი წერტილის“ კავშირის კალენდარში.

ესე ცნობა უკვე გაეგზავნა ბ-ნთ: კერენსკის, ჩხეიძეს, წერეთელს, სკობელევს და სხვ., რომელნიც სამართლიანად უნდა ელოდნ ჩვენი დადგენილების სისრულეში მოყვანას.

**„შავი წერტილი“.**

**დეკლარაცია „წითელი წერტილისა“.**

ნებითა ხალხისათა და მფარველობითა მუშათა და სალდათთა საბჭოებისათა ქ. პეტროგრადში და არსდა ორგანიზაცია „წითელი წერტილისა“. ორგანიზაცია არ არის პარტიული, არამედ პრაქტიკული. მიზანი მისი რთული და მნიშვნელოვანია, სახელდობრ: გაღრმავება და გაფართოება „შავი წერტილის“ დაწყებულებათა.

ამგვართ, ორგანიზაცია „წითელი წერტილისა“ აცხადებს:

ა) ყოველი აქტი „შავი წერტილისა“ ჩვენ შორის მოიპოვებს ერთგულ მიმდევარს და მათი ძახილი გამოძახილს.

ბ) თითველ აღკვეთილ რევოლიუციონერს საიქიოს გზაზე მცველად გავაყოლებთ ათ რეაქციონერს.

გ) მუშათა და სალდათთა საბჭოს თავმჯდომარის ნიკოლოზ ჩხეიძის ამაღლაში უკვე ჩანიშნულია აღიუტანტებათ ნიკოლოზ რომანოვი დაბალი და ნიკოლოზ რომანოვი მაღალი.

დ) „წითელი წერტილის“ ორგანიზაცია ეცდება თითველ ბელადს რევოლიუციისას მცველად გააყოლოს იმავე სახელობის რეაქციონერი, მაგრამ

თუ გარემოებამ მოითხოვა ეს მუხლი შეიძლება შესწორებულ იქნას.

პატივისცემით მთავარი კომიტეტი:

**„წითელი წერტილისა“.**

ამგვართ წერტალთა შორის სრული შეთანხმება და საქმის განაწილება მოხდა: ერთი იწყებს, მეორე აფართოებს და აღრმავებს პირველის დაწყებულებას. ჯერჯერობით ორივე წერტილი მხოლოდ თეორიულ მსჯელობაში არიან და მათი არსებობა ასე ვსთქვათ გეომეტრიულია.

მაგრამ ჩვენ სრული იმედი გვაქვს, რომ ისინი შემდეგშიაც ასეთ მდგომარეობაში დარჩებიან.

**მორიელი.**

# ჩ ე მ ი ო ჯ ა ხ ი

პარტიული შემადგენლობა ჩემი ოჯახისა სრულიად მარტივია.

უფროსი ვაჟი, არჩილი, მასწავლებელი მეცხრე საეაჟო გიმნაზიისა, თითქმის მეთათე წელიწადია კადეტთ ითვლება და, თუ არ ვცდები, პარტიაშიაც საპატიო ადგილი უჭირავს.

იმის მომდევნო ნინა, ვიდრე ქპარს გაჰყვებოდა „ავტონომისტკა“ იყო, ხოლო შემდეგ ქპარმა აიყოლია და ესერკა შეიქმნა. ახლა კი, როცა დაქვრივებული ოჯახში დამიბრუნდა, გატაცებული „ნაციონალ-დემოკრატიკა“.

მეორე კურსის სტუდენტი, შაქრო, ჯერ კიდევ სათავად-აზნაურო გიმნაზიიდან ატარებდა სოციალისტ-ფედერალისტის სახელს (აშენოს ღმერთმა მათი ოჯახი, სტიპენდიაც ამისთვის დაუნიშნეს) და მას შემდეგ განუყრელად იმავ გზას ადგია.

გიმნაზიის მერვეკლასის მოსწავლე, ნიკა, აშკარა სოციალისტ-რევოლიუციონერია, დღევანდელ პირობებშიაც ტერორის მომხრეა და როცა ლათინურის მასწავლებელს კალოში წყალი ჩაუსხეს, იგი აქტიურ როლს თამაშობდა.

ჩემი ობოლი ძმისწული, ლადო, პარტიულ სოციალ-დემოკრატთ ითვლება, ხოლო იმისი დაი ელენე მხოლოდ მოისოციალდემოკრატიკებს.

პატარა, 4 წლის დათოს ყველა ანარქისტს

ეძახის და ექვს გარეშეა. სამართლიანადაც ეძახიან. დასასრულ, მე და ჩემი მეუღლე მარიაში აშკარა ხულიგანებათ ვართ აღიარებული.

შეერთებული სხდომა პარტიებისა, ანუ კონფერენცია, უფრო სრული მხოლოდ სადილის დროს არის. დილით და საღამოთი ჩაიზე კრება არასოდეს სრული არ არის, ვინაიდან სხვა და სხვა დროს მიდიან და ბრუნდებიან სახლში პარტიის წარმომადგენელნი.

უმეტეს შემთხვევაში კამათს ნინა იწყებს და თუ მცხსიერება არა მალატობს თითქმის ყოველთვის ჩემგან.

— უბრალო რუბაშკა სამ თუმანზე მეტი ჯდება და ეს ვაჟბატონები დაიწყებენ ხალხს სიმდიდრე არა სჭირია, ერი რაც ..

— მამილო მოიტა ფული... მოიტა ფული, ფული მინა... მყისვე ააყოლებს ხოლმე ფულის გაგონებაზე ანარქისტი დათო. იმან არ იცის: არც სტუმარი არც სხვა რამ დაბრკოლება, როცა ფულს მოითხოვს იძულებული ვარ დავაკმაყოფილო, უკეთუ მთელი დღის მოსვენება რათმე მილიჩს.

— აბა რომელი სულელი იტყვის, შეილო, ფული და შეძლება საჭირო არ არისო. შენ..შნავს ხოლმე მარიაში.

— არიან, დედი ასეთებიც, — დასძენს ნიკა, — აი თუნდა ანარქისტები...

— მამილო მაიტა ფული, ფული, ფული... კვლავ ბუზღუნობს ანარქისტი დათო. ის კამათის გარეშე სდგას, ვინაიდან ყველაზე მეტათ პრაქტიკული ქაცია. იმან ჩ ნებულათ იცის, რომ აღრე იქნება თუ გვიან, რომელიმე პარტიის წევრი უთუოდ გაიკრავს ჯიბეს ხელს, რომ მის აბეზარ ზმუილს ბოლო მოუდოს.

მართლაც ვინ უნდა იყოს სიმდიდრისა და ქონების წინააღმდეგი, მაგრამ არიან ასეთებიც, — წარმოსთქვა ლადომ — ესენი, ჩემო მარია, ბურჟუები, ანუ აი ჩვენი ნინას პარტიის ხალხნი არიან. მაგრამ ისინი მხოლოდ სხვისი გამდიდრების წინააღმდეგი არიან.

კამათში ლადოს ჩარევა, ეს კითხვის გართულებისა და კამათის გამწვავების ხანაა.

არჩილი შესაფერი სიდინჯითა და თავდაქერილობით არკვევს საკითხს ეროვნული ბურჟუაზიის

აღორძინების საჭიროებისას და არაფერი არა აქვს საწინააღმდეგო, თუ საქართველოში სამი მილიონი ქართველი მილიონერი იქნება.

გატაცებული შაქრო აღფრთოვანებით ლაპარაკობს და ამტკიცებს, რომ უმთავრესი საქმე ეს ეროვნული თვითშეგნებაა ხალხისა და არა ქონებრივი სიძლიერე. მას დასამტკიცებელ საბუთად მოჰყავს „მეზობელი“ ერი.

მოურჯულებელი ანარქისტი დათო კვლავ დაუჩინებით განაგრძობს ფულის მოთხოვნას.

ნიკას შეხედულობით შაქრო და მთელი მისი პარტიაც ბურჟუები არიან სოციალისტის ქურქში გახვეულნი. ის ამტკიცებს, რომ უმთავრესი საკითხი არა ფულის საკითხია, არამედ მიწის. მიწას კი თავად-აზნაურობა ჰფლობს და თავად-აზნაურობა კი ნინას პარტიაშია მოკალათებული.

აქ კამათი საზოგადო საკითხებიდან პირადულ ნიადაგზე გადადის და იწვევს არა სასურველ ექსცესებს.

— გეყოფათ, შეილებო, ამდენი ლაპარაკი და ერთმანეთის ქამა. ის გირჩევნიათ სადილის დროს სადილი სქამოთ და მოისვენოთ. ყველანი ერთნი ხართ, თქვენს თავსა და საქმეს მიხედოთ ის გირჩევნიათ.

ამ სიტყვების საპასუხოთ ქ-ნ მარიაშ მისი პარტიის (ხულიგანური) მუხლებს მოაგონებენ და სთხოვენ, თუ საზოგადოთ საჭირო არ არის სხვის საქმეში ჩარევა, თვით მან დაიკოს ეს მუხლი და ნუ ერევა იქ, სადაც არაფერი გაეგება.

ამ გაცხარებული კამათის დროს განუწყვეტლივ გაისმის ერთი მტკიცე მოთხოვნა ანარქისტი დათოსი, რომელსაც მოთმინებიდან გამოსული ლადომ ამღევს შაურიან ქაღალდის ფულს და ისიც დუქნისკენ მირბის.

უნდა გამოგტყდე, რომ მე პარტიებში ვერა ვარ მაინცა და მაინც რიგიანათ გარკვეული. ახლა, როდესაც სამოცდამეთორმეტე წელში ჩავდექი, დროც აღარ არის სხვა და სხვა პარტიულ პროგრამებს ჩიფუჯდე და მათი ავკარგი ვარჩიო. მართალია ხალხურ სიბრძნეს უთქვამს: „სწავლა კაცს სიბერემდე არ მოსჭარბდებაო“, მაგრამ როცა ეს ანდაზა მოიგონეს მაშინ არც პარტიები იყო და ცხადია იგი პროგრამების სწავლას არ შეეხება.

მე ხშირათ მსმენია ჩემი ხნისა და წრის ხალ-

ხის წუხილი ჩვენში პარტიათა სიმრავლის და მათ შორის გამწვავებულ დამოკიდებულებების შესახებ. მათი აზრით, საქართველოში როცა ერთი პარტია იყოს, საქმე გაცილებით უკეთ წავიდოდა. მე ვგასე არა მგონია. ჩემის აზრით ზოგიერთ შემთხვევაში მრავალ-პარტიობა უფრო სასარგებლოა, განსაკუთრებით კი სასურსათო საკითხში.

განვმარტავ ჩემს აზრს. ბატონებო! ჩემს ოჯახში ერთ სუფრაზე ცხრა სული სადილობს. ახლანდელ დროში ცხრა კაცის ხარჯი ძველი დროის ქორწილის ხარჯს უდრის. ჩემთვის პირდაპირ წარმოუდგენელია ისეთი გარემოება, როცა მთელი ოჯახი წყნარათ ვეჯდეს სუფრას და სადილის დროს მხოლოდ ქამაზე ფიქრობდეს. ეს ასე იქნებოდა თუ ოჯახში პარტიული ერთგვარობა იყოს, მაგრამ საბედნიეროთ ეს ასე არ არის. სადილის დასაწყისშივე ატეხილი კამათი დიდათ უწყობს ხელს თანამედროვე მდგომარეობას და იქ, სადაც ცხრა გირვანქა პური იქნებოდა საჭირო, ოთხზე გადავდივართ.

სხვა რომ არა იყოს რა, ესეც ისეთი საბუთია, რომლის მეოხებით შეგვიძლია მხარი დავუჭიროთ მრავალ პარტიობას.

კოლო.

## მ რ კ ი თ ხ ვ ა

უწინარეს ყოვლისა მოგიკითხავ ეშმაკო! რაღაც გულისთ მომინდა კალამს ხელი შევახო; თუმცა ეხლა მელანი და ქალღიმი ძვირია, მაგრამ მაინც არ ძალმიძს დავიდუმო პირია... აბა ასეთ ხანაში, როცა ცენზორი არ სუფევს, როცა მათ კაბინეტში კალამები უძრავათ ძევს; წითელ მელნის შუშები მტვერით გაოსებულა, ძველი „უსჯავ-ხაკონნი“ სულ მთლათ მივიწყებულა, როგორ უნდა დავჩუმდე, შევაწებო ბაგენი? განა ცოტა დუმილში განვლე მე ჩემი დღენი?! არა, ეხლა მეცა მსურს აღვიმალლო ტონია, მინდა: ხშირათ დავსწერო პაწა ფელეტონია\*), ზოგ წერილმანებს შევებო, რაც კი არა ბრძნულია,

\*) უნდა ვსთქვათ, რომ განზრახვა ფრიად მისაწინაა!

ეშმაკი.

მსხვილ-მსხვილ თეძებს, ძმობილო, არა ვარ ჩვეულია! დეე რთულსა საკითხებს სჭრიდენ დიდი მწერლები, ვფიცავ ალლახს, აროდეს მათ არ შევეცილები. მე მაქვს ჩემი მიზანი, ჩემი გზა და ფონია, (ამ სიტყვისთვის, ეშმაკო, არ გამიციხავ, გონია\*\*)) ვისაც რა ეხერხება, მითი დაკმაყოფილდეს, ეხლა ისეთი დროა—ყველანი უნდა ბჭობდეს. მაგრამ ზოგჯერ თქმასაცა დაედების საზღვარი, თუ საქმისთვის დუმილი გამოსადეგი არი. მაგალითათ, ბევრს ბჭობენ ჩვენში ზოგი მწერლები, (აი, თუნდა ავილოთ „სახალხო-ზვირთელები“). რას ამბობენ, რა უნდათ, რისთვის სტკივათ გულია! ეს ყველასთვის ცხადია, კარგათ გაგებულია.

„საქრთველოც“ ბანს აძლევს ამ „საქვეყნო“ გმირებსა, (აბა, ქართველი ქართველს, როგორ გააწბილებსა). ჰო-და უხმატკბილებენ, საქმეს კი არ ჩივიან, სიტყვებს აბრაზუნებენ, რაც მოხვდებათ ყვირიან. ჩვენ რომ მათ დავუჯეროთ—უნდა დავყოთ ძალები, ჩვენზე ხელით გავსქედოთ ჩვენივე ბორკილები! რეები არ გაისმის, ვინ უწყს, რას არ ამბობენ, ახალ ახალ „პროგრამებს“ აცხობენ და აცხობენ! თუმცა არავინ უსმენს, ტყვილა ოფლათ დნებიან, ქარის წისქვილთან ბრძოლით ძალზე იქანცებიან! ჩვენ მათაც ნუ მოვალხენთ, გაუქნიოთ „მათრახი“, იმათ აზრთა სავანეს შემოვავლოთ ქახრაკი, რომ შეგუბდეს ერთ ალაგს, ისე არ გაიფანტოს, ისტორიის არქივსა შეეძინოს, ემატოს.

ალბურჩონ .

## კიუეზ კახეთი


(დახასრული, იხ. № 20).

წინა წერილში დამავიწყდა მეთქვა, რომ ქალ. სიღნაღს გვერდით უზარ მზარი ციხე აქვს. ისტორიული ცნობები ამ ციხის შესახებ მე ხელთ ვერ ვიგდე, ეტყობა მხოლოდ რომ ის ძველის-ძველი ნაშენია. ციხეს ორი კარები აქვს: „მომხიბლავი“

\*\*\*) ჰირაქით, ეს თქმულეებად ერთობ მისაწინაა!

ეშმაკი.

# ბთსუტნი სინაჲ



მილიუკოვი და გუჩკოვი სტამბოლის ანექსიის შემდეგ იღებენ დამორჩილებულ თურქთაგან კონტრიბუციას.



# მ ე ჯ ე



1.

კარისკაცი. მეფევ! ქალაქში შიმშილობაა!  
 აღარც პური აქვთ, აღარც მჭადები.  
 შეფე. მერე რა უშავს?.. პური რათ უნდათ,  
 დაჯდენ და სჭამონ შოკოლადები.

2.

კარისკაცი. მეფევ! ღუმაში მღელვარებაა...  
 ხალხი იმათგან მოითხოვს შევლას.  
 შეფე. დღესვე გარეკეთ მეტეხარები!  
 თითო პანღური ამოსცხეთ ყველას!

3.

კარისკაცი. მეფევ! ქუჩებში ბრძოლა დაიწყო,  
 შეიარაღდენ ურჩი მონები.  
 შეფე. მყისვე აცნობეთ პროტოპოპოსა:  
 მზათ იყოლიოს „ფარაონები“.

4.

კარისკაცი. მეფევ! მხედრობაც მუშებს მიემბრო,  
 მინისტრი ყველა დაჭერილია.  
 შეფე. მოუხმეთ ჩემსა ერთგულ გვარდიას.  
 ჰა ტელეგრამა, ჰა წერილია.

5.

კარისკაცი. მეფევ! გვარდიაც უკვე გადადგა,  
 და დროშას წითელს ის აფრიალებს.  
 შეფე. მაშ მო, გავუხსნათ ბრძოლისა პირი  
 ჩემს მოკავშირე გერმანელთ ძალებს.

6.

კარისკაცი. ბ-ნო ნიკო! მადლიერ ხალხმა  
 თქვენ მეფობიდან გადაგაყენა.  
 ეშმაკი. მეტის სიამით მეფეს თვალეზზე  
 ცრემლი მოადგა. დაება ენა.

და „გულსაკლავი“. რუსულათ ამას უფრო პოეტურათ ამბობენ: ворота „очарованія“ и „разочарованія“. პირველი გადასტკერის ალაზნის ველს, ხოლო მეორე ქ. სიღნაღს.

„მომხიბლავი“ კარებიდან გზა ხვეული ეშვება დაბლა ვიდრე სოფელ ანაგამდე, სადაც ჩვენმა ექსპედიციამ მცირედ შეისვენა მათე ახმეტელაშვილის ეზოში. აღნიშნულ ახმეტელაშვილის ოჯახზე ქიზიყში ერთი გადაჭრილი შეხედულებისა არიან: „იმათსა ქათმებიც კი ცოციალ-დემოკრატები არიანო“.

ანაგიდან ჩვენი ეტლი თელავისკენ დაიძრა და უკვე საღამოს ხუთი საათი იქნებოდა, ჩვენ თელავში მივედით. აკაკი ჩხენკელის შესახვედრათ (ჩემზე აღარ ვლანაარაკობ) შეკრებილი ხალხი თუმცა დაშლილიყო, მაგრამ მაინც მრავალრიცხოვანი მიტინგი გაიმართა და მრავალი სიტყვა ითქვა. ვრცელი სიტყვა წარმოსთქვა აგრეთვე დეპ. ჩხენკელმა და ნასიამოვნები საზოგადოება დაიშალა.

უნდა სიმართლე ითქვას მე ვერ დავრჩი სრულად ნასიამოვნები, ვინაიდან ჩემს მეგობარს გრ. ბურჭულაძეს ვილაც თავხურიანი ქალები უსამართლოდ მოგქცენ და სიტყვა შეაწყვეტიეს.

სულიერი განწყობილება ქ. თელავში ჩინებულია, ვინაიდან აქ ღვინო სრულიადაც არ არის აკრძალული. ცხარე კამათი გამოიწვია ქალაქის ბანკში გამართულ კრებაზე ორი იუნკრის ისტორიამ. კრების სამ მეოთხედს დედათა სქესი შეადგენდა და ჩემის აზრით უმთავრესი მიზეზი კრების ცხოველმყოფლობისა სწორეთ ეს იყო.

საკიროა აღინიშნოს ის გარემოებაც, რომ როგორც სიღნაღში, აგრეთვე თელავშიც დედათა სქესის უმ ავლესობა ნაციონალურ პარტიებში არიან დარაზმული. „ნაციონალ დემოკრატების“ სასახელოთ უნდა აღვნიშნო, რომ მომდერალთა გუნდი მათ მიერ შეკავშირებული სამაგალითოდ შეიძლება ჩაითვალოს ქართველ მომდერალთა გუნდებისათვის. განსაკუთრებით აღტაცებაში მომიყვანა მათ მიერ კახურ მრავალ-ქამიერის შესრულებამ და მე რომ თელავში ვცხოვრობდე მარტო ამისთვის ჩავეწერებოდი აღნიშნულ პარტიაში.

ხუთ მაისს დილით მე (აკაკი ჩხენკელი თავისთავად იგულისხმება) სოფელ ყვარელისაკენ გავემგზავრე. მშვენიერი გზა და მშვენიერი სამგზავრო

დღე დარჩა. სოფლის საზღვრებზე შემოგვეგება ცხენოსან მილიციონერთა რაზმი წითელი დროშით.

სოფელში დიდძალ ხალხს მოეყარა თავი და სოფლის მოედანზე გაიმართა მიტინგი. მისასალმებელი სიტყვების შემდეგ დეპ. ჩხენკელმა წარმოსთქვა ვრცელი სიტყვა.

დეპუტატმა ინახულა ილია ჭავჭავაძისეული მამული, რომელიც ახლა ქართველთა შორის წერაკითხვის გამავრცელებელ საზოგადოებას ეკუთვნის. მამული ისევა მოვლილი, როგორც სხვა ქონება აღნიშნული საზოგადოებისა.

ყვარელიდან დაბრუნებისას დეპ. ჩხენკელმა ინახულა ერეკლეს გალავანი და სასახლე ქალაქ თელავში. დაესწრო მუშათა დეპუტატების საბჭოს კრებას და საღამოს ოთხ საათზე გომბორის გზით დაიძრა თფილისისაკენ.

განსაკუთრებულს სილამაზეს წარმოადგენს აღნიშნული გზა თითქმის მთელს სიგრძეზე. ჩვენ მოუთმენელად მოველოდით „ფორტოპიანოზე“ მოღწევას, ვინაიდან წინასწარ გაფრთხილებული ვიყავით მის შესახებ. მართლაც ფორტოპიანო ჩვენ მოშლილი დაგვხვდა და შიგ ეტლიც ჩავვივარდა, მაგრამ მუშების დახმარებით ის ამოვიღეთ კლავიშებიდან და დავეშვით თავთავქვე სამგორის ველისაკენ.

საღამოს ცხრა საათზე ჩვენ უკვე თფილისში ვიყავით.

**ეშმაკი.**

P. S. თელაველთა საგულისხმოდ უნდა ვსთქვა, რომ მე არც იქაური მოღვაწენი დამიტოვებია უყურადღებოთ და თუ მათი სურათი ამ ნომერში ვერ იბეჭდება ეს სხვა მიზეზს უნდა მიეწეროს, ვიდრე მათდამი ჩემს უყურადღებობას.

—კი.

**ნ ა წ ე ვ ე ტ ე ბ ი.**

აღარ მცალია, ბებია ჩემო,  
 ნულა მაგზავნი ვარდის საკრეფათ,  
 მეგრძოლ გმირებსა სიმღერებს უთხზავ,  
 დღეს მოძმეებსა ის ენატრებათ.  
 შე ბებრუხუნა რომ მიმტკიცებდი:  
 ოქროს კერპები ჩვენთვის თავს სდებდენ!

მე კი შეეხედე, რომ მოძმეთა ძვლებს  
ოქროს ფულეებზე ახურდავებდენ.

\* \* \*

ნუ მეტყვიტ ისეთს ამბებს, არაკებს,  
ნურც წამიკითხავთ ისეთს წიგნებს რო  
სევდის აღმური გულში აღმენტოს  
და სიმწუხარის ცრემლი დავღვარო.  
არა, მე მინდა მწუხარის სივრცეშიც  
გმირის სიმღერამ აღანთოს გულა;  
და მხიარულათ მეც გვერდში უდგე  
სულით ძლიერი, განახლებული.

\* \* \*

გუშინ წერილი მომწერა ლეომ:  
—ოდეს ბრძოლის ველს ჰბანდა სისხლის  
ტბა,

მეც დამაჩოქა დუმდუმის ტყვიამ  
და ამაგლიჯა ნახევარი ყბა.  
ეგ, ნემეზიდავ, შენ განიკითხე  
ოდეს მოართვან ომის ღმერთს წინა:  
მარტომ მიირთვა ლეოს ყბის ხორცი,  
თუ მასთან ერთად ბევრმა ილხინა?!

ირ. ტოფაძე.

# სინდისი

ვ. მ. დორაშვიჩისა.

ეს ჩემო სულიკო, მოხდა ძველათ, უხსოვარ  
დროს, როცა ჯერ კიდევ მატინანე არ იწერებოდა.

მართალია, იმ დროშიაც ხშირათ შვებოდენ  
ადამიანები სისულელეს, — მაგრამ ამ სისულელეს  
მაშინ არავინ სწერდა. და ეგებ სწორეთ ამისთვისაა  
ჩვენი წინაპრები ბრძენებათ რომ წარმოგვიდგენია.

აი სწორეთ იმ უხსოვარ დროს იშვა ქვეყნათ  
სინდისი.

დაიბადა ის ჩუმსა და მშვიდ ღამეში, როცა  
ყველაფერი ფიქრის მორევში სკურავს.

ჩაფიქრებულია მთვარის სხივებზე ვერცხლის-  
ფრათ მოლაპლაპე მდინარე, ჩაფიქრებულია ლერ  
წამი, ჩაფიქრებულია ბალახი, ჩაფიქრებულია ცა...  
სრული სიმშვიდეა, სრული სიწყნარე.

დღისით ყველაფერი ხმაუროს, ყველაფერი  
მოძრაობს, სკოცხლობს, ღამით კი ყველაფერი  
სდუმს, ყველაფერი ფიქრს მისცემია.

მცენარეები ღამით იგონებენ ფერად ყვავილებს,  
ბულბულები სთხზავენ ტკბილ ჰანგებს, ვარსკვლავე-  
ბი კი — მომავალს.

აი ასეთ ღამეში, როცა ყველაფერი ფიქრობს, —  
იშვა სინდისი.

ის დაიბადა დიდრონი ღრმა თვალებით, რო-  
გორც ესა აქვს ყველა ღამის ფრინველს. მთვარის  
შუქმა მკრთალად შეღება მისი სახე. ვარსკვლავმა  
კი ცეცხლი დაანთო მის თვალებში.

და იწყო სინდისმა ქვეყნათ სიარული.  
სცხოვრობდა ის არც ავად, არც თუ კარგათ.  
სცხოვრობდა როგორც ქოტი.

დღისით მას არავინ ელაპარაკებოდა. აბა ვის  
ეცალა მისთვის.

იქ სახლს აშენებდენ, იქ არხები გაჰყავდათ.  
თუ გაბედავდა და მივიდოდა ვისმესთან, ეს  
უკანასკნელი ყოველ ღონეს ხმარობდა, რომ თავი-  
დან მოემორებია იგი.

— განა ვერა ხედავ, რა ხდება გარშემო, —  
უყვიროდა ის სინდისს, — აი აქ ქვეებს ეზიდებიან,  
აქ კუნძებს მოაგორებენ, აქეთ ცხენები მოდიან.  
დიდი სიფრთხილე გჭირია, რომ თვით არ გაგქული-  
ტონ და საიქიოსკენ არ გაგისტუმრონ! რა დროს  
ლაპარაკია!

სამაგიეროთ ღამით ის უფრო თავისუფლათ  
დადიოდა.

ის შედიოდა მდიდართა სასახლეებში და ლა-  
ტაკთა ქოხმახებში.

ფრთხილათ შეეხებოდა მძინარეს. მძინარე იღ-  
ვიძებდა. დაინახავდა ღამის სიბნელეში სინდისის  
ანთებულ თვალებს და ეკითხებოდა:

— რა გინდა?  
— დღეს შენ რას შვრებოდღი? — ჩუმად ეკით-  
ხებოდა სინდისი.

— მე რას ვშვრებოდღი? მგონი არაფერი ისეთი  
ჩამიდენია-რა.

— აბა დაფიქრდი...  
— მოიცა... ჰო... ეგებ...

სინდისი სტოვებდა მას და მიდიოდა მეორეს-  
თან, გამოღვიძებული ადამიანი კი ვერ იძინებდა,  
დილამდის სულ იმაზე ფიქრობდა, თუ რა აკეთა  
დღისით. ბევრი რამ, რაც დღის ღრძინაცულში არ  
ისმოდა, — ისმოდა ჩაფიქრებულ ღამის სიმშვიდეში.

იშვიათი იყო ადამიანი, რომელსაც მოსვენებით  
დასძინოდა.

ყველა უძილობამ შეიბყრო.

მდიდრებს ვერ უშველეს ვერც ექიმებმა, ვერც ბანგებმა.

წარმოიდგინეთ თვით ბრძენ ლი-ხან-ძუსაც კი ვერ მოეძებნა საშუალება უძილობის მოსაშორებლათ.

ლი-ხან-ძუს კი ყველაზე მეტი ფული, ყველაზე მეტი ადგილ-მამული და ყველაზე მეტი სახლები ჰქონდა.

ამიტომაც ხალხი ასე ფიქრობდა:

— „რადგანაც მას ყველაზე მეტი სიმდიდრე აქვს,—ალბათ ჭკუაც ყველაზე მეტი ექნებაო“.

და ეძახდნენ მას ბრძენს.

მაგრამ თვით უბრძენი ლი-ხან-ძუც იმავე ავად-მყოფობით ყველაზე მეტათ იტანჯებოდა და არც იცოდა რა ექნა.

ლი-ხან-ძუს თავისი ცხოვრება ისე მოეწყო, თავისი სიბრძნის წყალობით, ისე გაეზა ქსელები, რომ ვინც კი მის ახლო ცხოვრობდა ყველა მისი მოვალე გამხდარიყო და მთელ თავიანთ ნაშრომს მისი ვალის გასტუმრებას ანდომებდნენ.

როგორც ბრძენმა, მან კარგათ იცოდა ამა თუ იმ შემთხვევისათვის შესაფერი ზომების მიღება.

აი მაგალითად, როცა რომელიმე მოვალე მას რასმეს მოპარავდა, რაიც არც თუ ისე იშვიათად ხდებოდა, ლი-ხან-ძუ ლაზათიანად მიბეგვავდა მას, მიბეგვავდა ისე ბრძნულათ და სამაგალითოდ, რომ მის შემხედვარეს გულწიფრ არ გაეტარებია ქურდობის სურვილი.

დღისით ეს მართლაც ბრძნული მოქმედებით გამოდიოდა, რადგანაც ცემის და მით უმეტეს ლაზათიანი მიბეგვის ყველას ეშინოდა.

მაგრამ ღამე სულ სხვანაირ აზრებს აღუძრავდა თავში ლი-ხან-ძუს.

— რისთვის იპარავს? — ეკითხებოდა ის თავის თავს,—იპარავს იმისთვის, რომ შია, საქმელი რა აქვს. რისთვის არა აქვს? იმისთვის, რომ დრო არ რჩება თავის საზრდოს დასამუშავებლათ, მისი მთელი დღის შრომა ჩემი ვალების გასტუმრებას უნდება.

ასეთი უცნაური ფიქრებისაგან ჩვენს ლი-ხან-ძუს ხან-და-ხან კიდევ გაეცინებოდა.

— დახე როგორ ყოფილა! გამოდის თითქოს, მე გამქურდეს და დამნაშავეც მე ვარ!..

იცინოდა ლი-ხან-ძუ, მაგრამ ძილი კი მაინც არ ეკარებოდა.

ამ უძილო ღამეებმა ლი-ხან-ძუ ბოლოს იმ ზომამდე მიიყვანა, რომ მან, მიუხედავად მისი სიბრძნისა, ერთხელ ასე განაცხადა:

— მე ვუბრუნებ ჩემს მოვალეებს, მთელ ფულებს, მიწა-ადგილს და სახლებსო“ მაგრამ ამ სიტყვების გაგონებაზე ლი-ხან-ძუს ნათესავებმა საშინელი ტირილი და გოდება წორთეს:

ეს ყველაფერი უძილობის ბრალია! უძილობამ გადარია ბრძენი ადამიანიო.

ექიმებმაც ეს დაამოწმეს.

გავარდა ხმა:

— ყველაფერში სინდისია დამნაშავე! თუ უბრძენი კაცი ასე შეიშალა ჩვენ რაღა გვეშველებაო“?

ყველა შეკრთა და შეშინდა: მდიდრებიცა და ღარიბებიც.

ყველა წუწუნებდა და ჰგოდებდა:

— მე უძილობით მტანჯავს „ის“!

— მეც!

— მეც!

მდიდრებზე უფრო ღარიბები შეშინდნენ:

— ჩვენ ყველაზე ნაკლები ქონება გვაქვს,— ცხადია ჭკუაც ყველაზე ნაკლები გვექნება! რაღა ეშველება ჩვენს პაწაწინა ჭკუებსო?!

მდიდრები კი ასე ამბობდნენ:

— ხედავთ როგორ აშინებს „ის“ ღარიბ ხალხს, ჩვენი ვალია სულ რომ არა იყოს რა, ღარიბებს მაინც დავეხმაროთ!

ყველამ სჯა და ფიქრი დაიწყო, შესახებ იმისა, თუ როგორ მოეცილებიათ თავიდან სინდისი, მაგრამ ამაოდ, ვერაფერი გამოიგონეს.

ქალაქ ნანკინში იმ დროს სცხოვრობდა ერთი შესანიშნავი ადამიანი, სახელად ა-პუ-ო. ის ისეთი ბრძენი და ნასწავლი იყო, რომ სწორი არ ყავდა მთელ ჩინეთში.

ღიღი რჩევისა და თავის მტვრევის შემდეგ ასე გადასწყვიტეს:

— მოდი რჩევა ესთხოვოთ ა-პუ-ოს. იმის მეტად არავის შეუძლია ჩვენი დახმარებაო.

აირჩიეს დესპანები, გამოაწყვეს საჩუქრები და თაყვანისცემით წარუდგნენ ა-პუ-ოს.

— დაგვიხსენით უძილობისაგან! — შელაღად მას მოციქულებმა.

მოისმინა ა-პუ-ომ მათი გაჭივრება, ჩაფიქრდა. ბოლოს გაიღიმა და ასე უპასუხა:

— შეიძლება დახმარება! შეიძლება საქმის ისე მოწყობა, რომ მას თქვენთან მოსვლის ნებაც კი არ ჰქონდეს.

ყველამ ყურები სცქვიტა!

აპუ-ომ ისევ გაიღიმა. შემდეგ განაგრძო:

— მოდით შევთხზათ კანონები. აბა სად შეუძლია გონება-ბნელ ადამიანს იცოდეს თუ როგორ უნდა მოიქცეს; რაა მისთვის ნება დართული და რა აღკრძალულია. დავსწეროთ კანონები იმის შესახებ, თუ რის გაკეთება შეუძლია ადამიანს და რის არაა. მანდარინები კანონებს ზეპირათ დაისწავლიან დანარჩენები კი საჭიროების დროს დაეკითხებიან მათ; აი მაშინ თუ გინდა მოვიდეს „ის“ და დაგეკითხოს: „რას აკეთებდი დღესო?“—მიუგეთ: „ვაკეთებდი მას, რაც საჭიროა, რაც კანონში გვიწერია!“ და ყველა ტკბილ ძილს მიეცემა. რასაკვირველია სხვები ვალდებული იქნებიან მანდარინებს რჩევისათვის ფული აძლიონ. აბა ისინი ტყვილათ ხომ არ გამოილაყებენ გონებას კანონების ზეპირობით!

სიხარულის სხივი აუთამაშდა ყველას სახეზე. უხაროდათ მანდარინებს, რადგან წიგნებში ჩხრეკა რაც უნდა იყოს უფრო ადვილია მიწაში ჩხრეკასთან შედარებით.

უხაროდათ სხვებსაც, რადგან მათ ერჩიათ მანდარინისათვის ფულის მიცემა და დღითი მასთან ერთი წამით ლაპარაკი, ვიდრე სინდისთან მთელი ღამით საუბარი.

შეუდგენ კანონების წერას. ასწერეს ყველაფერი, რის გაკეთება შეეძლო ადამიანს და რის არაა. გაათავეს.

ბრძენთა-ბრძენი აპუ-ო კი დასვეს უუმაღლეს მანდარინად.

და დაიწყო ყველასათვის ტკბილი და უზრუნველი ცხოვრება.

აი, ესთქვით უნდა ადამიანს რისიმე გაკეთება. ის მაშინვე გარბის მანდარინთან, ამოაწყობს მის წინაშე საჩუქრებს და მიმართავს:

— გამარჯობა, ბრძენთა-ბრძენო! აბა ერთი გადმომიშალეთ თქვენი კანონი, —რის გაკეთება შეიძლება ამ შემთხვევაში?

ან, როცა მოწინააღმდეგეთ ერთმანეთ შორის დავა აქვთ, —ორთავე მიდის მანდარინთან, ორთავე ამოალაგებს მის წინაშე საჩუქრებს და ეუბნებიან:

— აბა გეთაყვა, გადაშალეთ კანონი, ვინ არის ჩვენ შორის მართალი?

მხოლოდ ყველაზე უფრო საწყლები და უღარიბესნი, რომელთაც მანდარინისათვის მისაცემიც კი არა გააჩნდათ რა, — ისინი იტანჯებოდნენ უძილობით. სხვები კი, როცა ღამით მათთან, სინდისი მივიდოდა ასე უპასუხებდა:

— აბა რას მოძვრები ჩემთან? მე ისე ვიქცევი, როგორც კანონში სწერია! რას მეკითხები!

ამ სიტყვებით გადაბრუნდებოდნენ მეორე გვერდზე და ხვრინვას ამოუშვებდნენ.

თვით ბრძენი ლი-ხან-ძუ, რომელიც ყველაზე მეტათ იტანჯებოდა უძილობისგან, ახლა მხოლოდ გაიცინებდა ხოლმე, როცა ღამით მასთან მისულ სინდისს დაინახავდა:

— აა... გამარჯობა მშვენიერებაგ! აბა რას იტყვი?

— რას შერები, შენ ხომ მთელი სიმიდრის უკან დაბრუნება გინდა? — ეკითხებოდა სინდისი და თან დააქტვრდებოდა თავის ღრმა თვალებით, რომელშიაც ვარსკვლავები ციმციმებდა.

— კი, მაგრამ მე მაქვს განა ამის უფლება? — ხარხარი უპასუხებდა ლი-ხან-ძუ, — განა არ იცი კანონში რა სწერია?

„თვითეული საკუთრება ეკუთვნის შესაკუთრეს და მის შთამომავლობას“ როგორ შემიძლია მე სხვისი ქონება გავცე, თუ ჩემი შთამომავლობა ამხე თანხმა არ არის? გამოდის — ან მე ქურდი ვარ და მათ ვპარავ, ან და გიყი, რადგან თავისთავს ვპარავ! კანონში კი ასე სწერია:

„ქურდს და გიყს ბორკილები გაეყაროს“ აი ხომ ხედავ როგორ ყოფილა საქვე. ეხლა კი თავი მანებე, მინდა დავიძინო, შენც გირჩევ თავი ანებო ტყვილა უბრალო ხეტიალს და ტკბილ ძილს მიეცე“.

ამ სიტყვაზე ის შემოატრიალდებოდა და მშვიდად ჩაიძინებდა. ერთი სიტყვით სინდისს ყველგან ერთი და იგივე ესმოდა:

თავი დაგვანებე! ჩვენ რა ვიცით! როგორც მანდარინები გვირჩევენ ისე ვიქცევით. მიდი და იმათ დაეკითხე ჩვენ კანონს ვემორჩილებით!

წავიდა სინდისი მანდარინებთან. რისთვის არის, რომ მე აღარავინ მისმენს? — დაეკითხა იგი მათ.

მანდარინები იცინიან.

— მაშ კანონები რისთვის არის? აბა როგორ შეიძლება ადამიანები შენ გისმენდენ და ისე მოქმედებდენ? ეგებ ვინმემ ვერ გამიგოს, ან მოიტყუოს, ეს გენიალური გამოგონებაა! ტყვილათ კიარ უბოძებიათ ამის გამოგონებისათვის ა-პუ-ოსთვისაც უმაღლესი მანდარინობა!

ამის გაგონებაზე წავიდა სინდისი პირ-და პირ ბრძენთა-ბრძენ ა-პუ-ოსთან.

ოდნაე შეეხო მას და შეჩერდა.

გაიღისა ა-პუ-ომ და ზეზე წამოხტა.

— რა ნება გაქვს შენ ღამით, დაუკითხავათ სხვის სახლში შემოიპარო? რა სწერია კანონში? „ვინც ღამით ჩუმად, სხვის სახლში შეიპარება,— ის ქურდია და ციხეში უნდა ჩაისვას“-ო!

— მე საქურდლად შენთან არ მოვსულვარ! — უპასუხა სინდისმა,— მე სინდისი ვარ!

— მაშ ჩვენი კანონით შენ მეძავი დედა-კაცი ხარ. კანონში ნათლად არის ნათქვამი: „ქალი რომელიც ღამით მივა უცხო მამაკაცთან — ის მეძავია და როგორც ასეთი ჩასვით ციხეში“-ო, მაშ შენ თუ ქურდი არა, მეძავი დედა-კაცი ყოფილხარ!

— როგორ თუ მეძავი? — წამოიძახა სინდისმა — რას ამბობი?

— აა, მაშ შენ არც გარყვნილი ქალი ხარ, არც ქურდი, მაგრამ არ ემორჩილები კანონს! ამგვარ შემთხვევაზედაც სწერია კანონი:

„ვინც წინააღმდეგება კანონს, ის ჩასთვალეთ კანონის მტრათ და ჩასვით ციხეშიო“ აბა ხალხო! გაუყარეთ ბორკილები ამ დედა-კაცს და საუკუნოთ ჩაკეტეთ ციხეში, როგორც გარყვნილი, შემჩნეული ქურდობაში და დაჭერილი კანონის აშკარა წინააღმდეგობისათვის:

გაუყარეს სინდისს ბორკილები და ჩაკეტეს. ამის შემდეგ ის, რასაკვირველია, არავისთან მიდიოდა, არც არავის აწუხებდა.

ამიტომაც ის სრულიად დაივიწყეს.

მხოლოდ, როცა რომელიმე ბრიყვი ადამიანი მანდარინებზე გულმოსული დაიყვირებდა:

— „თქვენ სინდისი არა გაქვთო“

მაშინ მას გადაუშლიდენ ქალაქს და აჩვენებდენ, რომ სინდისი ცხრა კლიტულში იყო ჩამწყტეული.

— მაშ ყოფილა, თუ ის ჩვენ ციხეში გვყავს დაჭერილი!“

უპასუხებდენ მას.

ბრიყვიც ჩაჩუმდებოდა:

ხედავდა, რომ სიმათლე მათკენ იყო.

მას შემდეგ მშვიდათ და წყნარათ მიმდინარეობს ადამიანთა ცხოვრება.

ბოლბიპენტა.

## მარსელიოზა

(ეშმაკის მათრახის კომისარიატებისა)

აღსრულდა! მოკვდა აზრის ჯალათი!

სისხლით მაძლარი და განალეში ვანც კი გადარჩა, საპრობილეში მარხია მათი ცოცხალი ლეში.

ჩვენ აღარ გვინდა იმათი სიბრძნე, აღარ გვაშინებს მათი მუქარა;

გვეყო ამდენი აზრის მონობა,

რედაქციაში შემოკრბით ჩქარა!..

დავწეროთ ლექსი, დავწეროთ პროზა,

აზრმა იპოვა ფართე გზა-კვალი;

შემოვიკრიბოთ ხალხი მაშვრალი,

და ბრძოლის ველზე: წინ, წინ; წინ,

გვეყო ესოდენ გრძნობის დახშობა,

თვალს გვიჭრელებდა თეთრი ფურცელი!

გულში ანთო ნათელ ჩირაღდნათ

აზრი და გრძნობა გაუფურჩქნელი!..

ძმანო, ავიღოთ ერთობის ჩანგი,

ავამქუხაროთ გრძნობის მდინარე,

გამოვაფხიზლოთ ტკბილი სიცილით

თუ ვინმე დარჩა კიდევ მძინარე.

დავსწეროთ ლექსი, დავსწეროთ პროზა,

აზრმა იპოვა ფართე გზაკვალი;

შემოვიკრიფოთ ხალხი მაშვრალი,

და ბრძოლის ველზე: წინ, წინ, წინ...

დღეს ერთი წამი საუკუნეა!

ცხოვრება ადგამს მღვეის ნაბიჯებს,

გავყვეთ მას ძმანო, თორემ შეერცხვებით,

უკეთუ თავზე გადაგვაბიჯებს.

მივხედოთ ამ ჩვენ ბექვდით ორგანოს,

ამ სიმაგრეში თავი ვიგულოთ,

აქედან ვცემოთ ჩვენ მტრებს მათრახი,

მოძმე ვაცინოთ ვამხიარულოთ!..

დავწეროთ ლექსი, დავწეროთ პროზა,  
 აზრმა იპოვა ფართე გზა კვალი;  
 შამოვიკრიფოთ ხალხი მაშვრალი,  
 და ბრძოლის ველზე წინ, წინ, წინ,  
 თუ სადმე მტერმა თავი წამოყოს,  
 და ჩვენ სიმაგრეს ის დაემუქროს;  
 მყისვე ვეკვეთოთ, — თუნდ ჩვენი გული,  
 ჯალათის ხელმა შუა განგმიროს...  
 ჩვენ სისხლზე იშვა თავისუფლება,  
 ჩვენი ძვლები აქვს მას საძირკველათ;  
 ვიდრე დაუთმობთ, ძმანო, ეშმაკნო!  
 გვიჯობს დავეცეთ ბრძოლისა ველათ!..

დავსწეროთ ლექსი, დავსწეროთ პროზა,  
 აზრმა იპოვა ფართე გზა კვალი;  
 შამოვიკრიბოთ ხალხი მაშვრალი,  
 და ბრძოლის ველზე: წინ, წინ, წინ...  
 ვინც სასიკვდილოთ არ ხართ დაქრილი,  
 რაღას უნახავთ თქვენს ნიჭის ძალას?!  
 თუ რომ ამ დროში ვერაფერს დავწეროთ,  
 მტვერი დაფარავს თქვენს თავის ქალას...  
 ღრმათ ჩავიხედოთ ცხოვრების გულში,  
 იქ არის თქვენთვის უხვი მასალა;  
 რაღას უყურებთ? ხომ აღარ გვტანჯავს,  
 მთავრობაძეთა უხეში ძალა?  
 დავსწეროთ ლექსი, დავსწეროთ პროზა,  
 აზრმა იპოვა ფართე გზა კვალი;  
 შამოვიკრიბოთ ხალხი მაშვრალი,  
 და ბრძოლის ველზე: წინ, წინ, წინ, წინ...  
 როკოკო.

# ფ ო ს ტ ა

ქანცეცხლს. „აბა ვინ არის დღეს ბრიყვი  
 კალამს ხელი არ მოჰკიდოს,  
 ავტორიტეტი მან თვისი  
 ამითი აღარ აღიდოს“-ო.

სწერია თქვენს ლექსში. სრული ჭეშმარიტე-  
 ბაა: ძლიერ ბევრმა ბრიყვმა მოჰკიდა ხელი კალამს,  
 მაგრამ ჯერ კიდევ ბევრი დარჩა.

სიმონ ქუჩთაიშვილს. თფილისის აღმასრულებელ  
 კომიტეტთან არსებობს კომისია ბინის საკითხთა  
 შესახებ. თქვენი ლექსით სწორეთ აი ამ კომისიას  
 უნდა მიმართოთ.

გრიგოლ კაჭანავას. უძვირფასესი იუმორისტიუ-  
 ლი ნაწილი თქვენი „მოგონებისა“ ჩვენს ჟურნალ-  
 ში რევოლიუციის წინეთაც იყო მოთავსებული.

ბ-ნ მალეს. პასუხი ცოტა დაგვიგვიანდა, მაგ-  
 რამ როცა თქვენი „შარადა“ გადავეცით, ამხანაგი  
 ეშმაკი ნარდს თამაშობდა აშხ. მორიელთან. გადა-  
 ხედა და წარმოსთქვა: „დავ მალე“. ჩვენ ეშმაკთან  
 კამათის უფლება არა გვაქვს, ვინაიდან დისციპლი-  
 ნას ყველაფერზე მაღლა ვაყენებთ, ავიღეთ თქვენი  
 შარადა და დავმალეთ.

# „მ რ თ ო ბ ა“

## მიიღება ხელის მოწერა 1917 წლისათვის


მთი ლიკს როგორც თფილისში, ისე პროვინციაში მთელი წლით 15 მანეთი, ნახევარი წლით 8 მ.  
 საში თვით 4 მან 20 კაპ., ერთი თვით 1 მან. 40 კაპ.

სეთის ფასი ხელის მომწერლებმა წინდაწინ უნდა გადაიხადონ, ნისიათ არავის გაეკ საუნება  
 სტით ხელის მომწერლებმა ფული შემდეგი ადრესით უნდა გამოგზავნონ: Тифლისь, почтовый  
 ящикъ № 199, Власію Малакіевичу Бохохадзе.

თფილისის ხელის მომწერლებმა ფული უნდა შეიტანონ კანტორა „განათლებაში“ ოფის ქუჩა №6.

# ბიუროკრატიულ წრეებში

ი.ი.შლინგ.



გამგე ს მობ. განყოფილებისა (ხელოვნების) დროება გამოიკვალა... უბ-  
 რძანე განყოფილების ყველა საქმეებს კანი გამოიკვალონ. შემოახვიეთ წითელი  
 ქალაღი... ამის შემდეგ ვინ იფიქრებს, რომ ჩვენ შავრაზმელთა ჯგუფს ვეკუთ-  
 ნოდით...